

## 4. gr.

Óheimilt er að ráða til lyfjatækni starfa aðra en þá, sem heilbrigðismálaráðherra hefur veitt starfsréttindi hér á landi, sbr. ákvæði laga nr. 64/1971 um tæknimenntaðar heilbrigðisstéttir.

## 5. gr.

Um viðurlög við brotum í starfi lyfjatækna gilda ákvæði laga nr. 64/1971 um tæknimenntaðar heilbrigðisstéttir svo og laga um lyfjadreifingu nr. 76/1982 eftir því sem við á.

## 6. gr.

Reglugerð þessi, sem sett er samkvæmt heimildum í 15. gr. laga um lyfjadreifingu nr. 76/1982 og lögum um tæknimenntaðar heilbrigðisstéttir nr. 64/1971, öðlast þegar gildi.

*Heilbrigðis- og tryggingamálaráðuneytið, 8. apríl 1983.*

F. h. r.

**Jón Ingimarsson.**

*Ingolf J. Petersen.*

## REGLUGERÐ

### um starfsemi lyfjabúðar Háskóla Íslands.

## 1. gr.

Lyfjabúð Háskóla Íslands er sjálfstæð stofnun í eigu Háskóla Íslands, er tók við rekstri Reykjavíkur Apóteks 1. september 1982.

## 2. gr.

Hlutverk stofnunarinnar er að reka lyfjabúð til kennslu og rannsókna í lyfjafræði lyfsala, framleiðsla lyfja og stuðla að framförum í lyfjafræði (pharmaciae) og lyfjagerð.

Stofnunin skal árlega verja eigi lægri fjárhæð, en næmi samanlögðum tekju- og eignaskatti, auk aðstöðugjalds, til þess að hún verði færari um að gegna hlutverki sínu skv. 1. mgr. eftir nánari ákvörðun stjórnar stofnunarinnar sbr. 3. gr.

Um lyfjabúð Háskóla Íslands fer að öðru leyti á sama hátt og um aðrar lyfjabúðir, hvað varðar búnað og rekstur sem og aðrar kröfur sem í gildi eru eða settar kunna að verða.

## 3. gr.

Í stjórn stofnunarinnar sitja fimm menn, prófessor í lyfjafræði lyfsala, lyfjafræðingur úr hópi starfsfólks og tveir menn kosnir af háskólaráði til 2 ára í senn, heilbrigðis- og tryggingamálaráðherra tilnefni fimmta manninn og skal hann vera lyfjafræðingur.

Forstöðumaður lyfjabúðarinnar eða staðgengill hans, situr stjórnarfundi og hefur tillögurétt á stjórnarfundum en ekki atkvæðisrétt.

Stjórnin skiptir með sér verkum. Háskólaráð kys tvo endurskoðendur til 2 ára.

Stjórnin ræður starfslið, tekur ákvarðanir um rekstur lyfjabúðarinnar og setur fyrirtækinu starfsreglur, sem háskólaráð staðfestir.

Heimilt er stjórninni með samþykkt háskólaráðs að ráðstafa hluta af arði til fjárframlaga í verðlaunasjóð Alfred Benzon, sbr. staðfesta stofnskrá.

## 4. gr.

Allar meiri háttar fjárfestingaákvæðanir eru háðar samþykki háskólaráðs.  
Ársreikningar stofnunarinnar skulu bornir upp árlega í háskólaráði til samþykktar.

## 5. gr.

Reglugerð þessi, sem sett er samkvæmt ákvæðum 3. gr. laga um lyfjadreifingu nr. 76/1982, öðlast gildi 1. júlí 1983.

*Heilbrigðis- og tryggingamálaráðuneytið, 12. apríl 1983.*

**Svavar Gestsson.**

Páll Sigurðsson.

## REGLUGERÐ

**um breytingu á gjaldskrá fyrir hafnarsjóð Reykjavíkur nr. 108 4. mars 1975, sbr. 5. gr. reglugerðar nr. 61 25. janúar 1977, sbr. og reglugerð nr. 336 21. september 1977.**

## 1. gr.

3. gr. orðist þannig:

### Lestagjöld.

- a) Öll farmskip, önnur en strandferðaskip, og öll fiskiskip, stærri en eða jafnt og 400 brúttórúmllestir skulu greiða lestagjald, kr. 0.90 á brúttórúmllest.
- b) Strandferðaskip og skemmtiferðaskip greiði kr. 0.45 á brúttórúmllest.
- c) Innland fiskiskip undir 400 brúttórúmllestum greiði kr. 0.90 á brúttórúmllest, þó ekki oftar en tvisvar í mánuði.
- d) Bátar minni en 10 brúttórúmllestir greiði lestagjald einu sinni á ári kr. 59.00 á brúttórúmllest, þó aldrei minna en kr. 293.00.

Gjalddagi er 1. apríl eða eftir að skipið hefur verið gert út frá höfninni í þrjá mánuði.

Undanþegin greiðslu lestagjalds eru herskip, varðskip og skip, sem gerð eru út til vísindalegra rannsókna, svo og skip sem leita hafnar vegna sjóskaða eða til að láta í land sjúka menn eða látna, svo fremi þau hljóti ekki aðra þjónustu.

## 2. gr.

4. gr. orðist þannig:

### Bryggjugjöld.

Öll skip, sem leggjast við bryggju eða hafnarbakka, skulu greiða kr. 0.45 á brúttórúmllest fyrir hvern sólarhring eða hluta úr sólarhring, sem skipið liggur bundið.

Fiskiskip greiða þetta gjald eigi oftar en 10 sinnum á mánuði, en bátar minni en 10 brúttórúmllestir greiða ekki bryggjugjöld.

Heimilt er að taka lesta- og bryggjugjald af fiskiskipum minni en 400 brúttórúmllestir, sem árgjald í heimahöfn, kr. 47.00 af hverri brúttórúmllest.

Gjalddagi árgjalda er 1. apríl ár hvert.

Skip þau, er getur í síðustu mgr. 1. gr. eru undanþegin bryggjugjaldi.